



OPĆINSKA IZBORNA KOMISIJA

**MUNICIPALITY ELECTION
COMMISSION**

Broj: 01-04-431/26
Datum: 27.08.2026. godine

OBAVIJEST ZA JAVNOST

**POZIV BIRAČIMA ZA PRIJAVU ZA GLASANJE PUTEM MOBILNOG TIMA NA OPĆIM
IZBORIMA 2026. GODINE**

Općinska izborna komisija Općine Velika Kladuša obavještava birače sa područja općine Velika Kladuša da će se Opći izbori u Bosni i Hercegovini održati u nedjelju, 4. oktobra 2026. godine.

U skladu sa Izbornim zakonom Bosne i Hercegovine i podzakonskim aktima Centralne izborne komisije Bosne i Hercegovine, biračima koji su zbog starosti, bolesti ili invaliditeta vezani za svoje domove i nisu u mogućnosti pristupiti biračkom mjestu omogućeno je glasanje putem mobilnog tima.

Pravni osnov za glasanje putem mobilnog tima sadržan je u članu 3.14 Izbornog zakona Bosne i Hercegovine, kao i u članu 5.21 Izbornog zakona Bosne i Hercegovine, kojim je Centralna izborna komisija Bosne i Hercegovine ovlaštena da svojim propisima uredi način glasanja birača koji su vezani za svoje domove zbog starosti, bolesti ili invaliditeta.

Postupak prijave i evidentiranja birača koji glasaju putem mobilnog tima uređen je Pravilnikom o formi, sadržaju, upotrebi i izradi izvoda iz Centralnog biračkog spiska, kao i Pravilnikom o provođenju Općih izbora 2026. godine u Bosni i Hercegovini. Centralna izborna komisija BiH je na svojoj službenoj stranici objavila važeći prečišćeni tekst Pravilnika o provođenju Općih izbora 2026. godine.

Pozivaju se birači sa područja općine Velika Kladuša koji zbog starosti, bolesti ili invaliditeta nisu u mogućnosti pristupiti svom redovnom biračkom mjestu da podnesu prijavu za glasanje putem mobilnog tima.

Prijava se podnosi Općinskoj izbornoj komisiji putem Centra za birački spisak Općine Velika Kladuša.

UZ PRIJAVU JE POTREBNO DOSTAVITI:

1. Ime i prezime birača;
2. Ime jednog roditelja;
3. Datum rođenja;
4. Jedinstveni matični broj (JMB);
5. Potpunu adresu prebivališta, uključujući ulicu i broj;
6. Broj telefona birača ili osobe za kontakt;

7. Izjavu birača da zbog starosti, bolesti ili invaliditeta nije u mogućnosti pristupiti biračkom mjestu i da želi glasati putem mobilnog tima;
8. Odgovarajuću dokumentaciju kojom se potvrđuju okolnosti zbog kojih birač nije u mogućnosti pristupiti biračkom mjestu (rješenje o invalidnosti, dokumentacija o bolesti, rodni list kao dokaz o starosti osobe i drugo)

Prijavu može dostaviti birač lično, član porodice ili drugo ovlašteno lice.

Općinska izborna komisija, u saradnji sa Centrom za birački spisak, izvršit će provjeru dostavljenih podataka i dokumentacije te poduzeti radnje propisane izbornim propisima radi uvrštavanja birača u izvod iz Centralnog biračkog spiska za glasanje putem mobilnog tima.

ROK ZA PODNOŠENJE PRIJAVE

Radi blagovremene obrade prijava, provjere podataka, izrade plana obilaska birača i dostavljanja potrebnih podataka Centralnoj izornoj komisiji Bosne i Hercegovine, birači se pozivaju da prijave podnesu najkasnije do 04. septembra 2026. godine do 16 h.

Samo podnošenje prijave ne znači automatski upis birača u izvod iz Centralnog biračkog spiska za glasanje putem mobilnog tima. Nakon prijema prijave provjeravaju se podaci i ispunjenost uslova u skladu sa Izbornim zakonom Bosne i Hercegovine i podzakonskim aktima Centralne izborne komisije Bosne i Hercegovine.

Birači koji budu uvršteni u odgovarajući izvod iz Centralnog biračkog spiska glasat će putem mobilnog tima na dan održavanja Općih izbora, 4. oktobra 2026. godine, u skladu sa utvrđenim rasporedom obilaska.

KONTAKT OSOBA

Za sve dodatne informacije u vezi sa prijavom za glasanje putem mobilnog tima građani se mogu obratiti:

Ime i prezime: Aida Kajtezović
Lice ovlašteno za rad u Centru za birački spisak
Centar za birački spisak Općine Velika Kladuša
Telefon: 037 770 030
E-mail: aida.kajtezovic@velikakladusa.gov.ba

Općinska izborna komisija Općine Velika Kladuša poziva sve birače koji ispunjavaju uslove za glasanje putem mobilnog tima da prijave podnesu blagovremeno, kako bi se omogućilo pravovremeno provođenje svih aktivnosti propisanih Izbornim zakonom Bosne i Hercegovine i podzakonskim aktima Centralne izborne komisije Bosne i Hercegovine.

Dostavljeno:

1. Radio Velika Kladuša
2. web stranica Općine Velika Kladuša
3. Općinska izborna komisija i
4. a/a

